



# OBAVJEŠTENJE

## O UPISU DJECE U PROGRAM OBAVEZNOG PREDŠKOLSKOG ODGOJA I OBRAZOVANJA ZA DJECU U GODINI PRED POLAZAK U OSNOVNU ŠKOLU (POPOiO)

Ministarstvo za obrazovanje, nauku, kulturu i sport Zeničko-dobojskog kantona, u saradnji sa javnim i privatnim predškolskim ustanovama i osnovnim školama na području Zeničko-dobojskog kantona, uradilo je plan za implementaciju Programa obaveznog predškolskog odgoja i obrazovanja za djecu u godini pred polazak u osnovnu školu, u skladu sa člmovima 22., 46., 48., 52. i 56. Zakona o predškolskom odgoju i obrazovanju ("Službene novine Zeničko-dobojskog kantona" broj 7/10, 8/12).

- Programom obaveznog predškolskog odgoja i obrazovanja (POPOiO) u školskoj 2019/2020. godini bit će obuhvaćena djeca koja 1. marta 2020. godine navršavaju 5 godina i 6 mjeseci života i koja, u ovoj školskoj godini, nisu bila upisana u neku od predškolskih ustanova.
- Djeca, koja su u ovoj školskoj godini, u periodu septembar-januar, pohađala predškolsku ustanovu u kojoj se realizira Cjeloviti razvojni program (CRP), neće biti obuhvaćena Programom obaveznog predškolskog odgoja i obrazovanja, jer Cjeloviti razvojni program sadrži i Program obaveznog predškolskog odgoja i obrazovanja.
- Djeca koja su pohađala predškolsku ustanovu dobit će uvjerenje o završenom CRP-u, a djeca, polaznici Programa obaveznog predškolskog odgoja i obrazovanja, uvjerenje o završenom POPOiO. Oba uvjerenja su validna za upis u osnovnu školu.
- Program obaveznog predškolskog odgoja i obrazovanja za djecu u godini pred polazak u osnovnu školu finansira se iz Budžeta Kantona u trajanju od 180 sati (12 radnih sedmica / 3 sata dnevno).
- Program realiziraju javne i privatne predškolske ustanove koje su verifikovane, tj. upisane u Registar predškolskih ustanova Zeničko-dobojskog kantona, kao i škole u sredinama gdje ne postoje predškolske ustanove u državnoj ili privatnoj svojini.
- Program će se, u skladu sa potrebama, realizirati u dva ciklusa. Prvi ciklus u periodu mart-maj, a drugi ciklus u periodu juni-august.
- Plan realizacije Programa je urađen prema školskim područjima i usklađen je sa blizinom objekata škola i predškolskih ustanova.
- Zakonom o predškolskom odgoju i obrazovanju predviđene su i novčane kazne za roditelje/staratelje, koji ne upišu dijete u Program obaveznog predškolskog odgoja i obrazovanja u godini pred polazak u osnovnu školu.
- Roditelji/staratelji djece, koja će pohađati Program obaveznog predškolskog odgoja i obrazovanja, dužni su pri upisu djeteta donijeti sljedeće dokumente:
  - Izvod iz matične knjige rođenih (kopija)
  - Ljekarsko uvjerenje isključivo za upis u predškolsku ustanovu (Izvod iz matične knjige rođenih nije potrebno ovjeravati, a ljekarsko uvjerenje je besplatno.)
- Upis djece se vrši u periodu od 24.01.2020. godine do 30.01.2020. godine.
- Početak realizacije Programa obaveznog predškolskog odgoja i obrazovanja u godini pred polazak u osnovnu školu planiran je za 03.03.2020. godine.

Djelovodni broj: 10-38-18068-7/19  
Datum: 22.01.2020.godine



MINISTAR  
Prof. dr. Spahija Kozlić